

## **Mbete kí Pol ndàngi adi Pilemɔ**

### **Ta-je kí dɔ mbete-ti kí Pol ndàngi adi Pilemɔ**

Domaji ə à to kisi Pol dangay-ti mee bebo Ròm-ti kin bá ɛ ndàngi-né mbete kin. Ɛ ndàngi mbete lé nati kì mbete læ de kí bebo Kolosi-ti to ə tò titi né kí mbete-je kí joo kinlé Tisiki bá ulə-é-né bè (Kol 4:7-9). Pol pa ta kì nam-é Pilemɔ kí isi mee bebo Kolosi-ti rəm, bá ɛ pa ta kì njénoji-je liə, bá pa ta kì njèkadmeɛ-je kí d'isi 'kəwnə mee kəy-ti liə rəm to. Ɛ ndàngi mbete kin dəji-né Pilemɔ kadi inə go kɔgi adi bə liə Onejim kí ndɔki ay lé ə kadi uwə-é kì rɔ-é-ti gogi. «Onejim» lé kɔr mee-é to «né kí à ra kì dow.» Kete ɛ to dow kí kɔgi kare peti-peti rɔ 'ba-é-ti.

Onejim lé toki né kí ndɔki ɛ bogi né læ ba-é bá ay ɔw-né mee bebo-ti kí d'uwə Pol dangay-ti titi lé bè. Pol adi-é adi mee Jeju Kristi, rəmə panjiyə Onejim təl maji. Bəba Pol ndigi kulə siə kadi 'ba-é Pilemɔ gogi, ə ɛ ndigi kadi-é uwə-é kì rɔ-é-ti kì ngonkɔ-é kí njèkadmeɛ Kristi. Dan mbete-je-ti lay kí Pol ndàngi lé, ɛ kin to gay, kdɔ ɛ to mbete kí toji kulənoji kí tuwə kadi tò mbunə njèkadmeɛ-je-ti bi kɔta-je kí rangi goto-ti. Kí go ndukun-ti læ dow-je kí Ròm lé, Onejim lé asi kadi d'ində-é d'ɔji-é rəm, bá asi kadi 'tɔl-é rəm, ngà Pol bá ra siə maji, titi kí Jeju ra-né kí njéramajal-je kin bè to. Kadi Pol pa ta kí maji al sobi dɔ ra dow bə-ti

rəmə, ɛ toji Pilemɔ kɪ njékəwna-je, né kí tò kadi dow-je 'ra kí rɔ madi-dé-je-ti əsə kí rɔ bə-je kɔɔ ri Kristi.

*Toji rɔ kɪ lapiya kí ra*

*2Ti 1:1-5*

<sup>1</sup> Ma Pol kí d'uwə-m dangay-ti kɔɔ ta kí sɔbi dɔ Jeju Kristi, j'isi nati kɪ ngonkɔ-ji Timote, bá m'ndangi mbete kin m'adi-i i Pilemɔ kí 'to madkullə lə-ji kí j'ində-i dan kəm-ji-ti,

<sup>2</sup> †m'adi kɔnan-ji Apiya, kɪ Arsipi kí to madi rɔ lə-ji, bá m'adi njékəwna-je kí d'isi 'kəw-nə mɛɛ kəy-ti lə-i lé rəm tɔ.

<sup>3</sup> Kadi ramaji kɪ lapiya lə Bobi-ji Lubə, kɪ 'lə 'Babe Jeju Kristi nɔy sə-si.

*Kadmɛɛ lə Pilemɔ kɪ ndigi kí ɛ ndigi dow-je*

<sup>4</sup> Taá-taá ya loki m'isi m'pa ta kɪ Lubə lə-m m'ra-é-né oiyo lé, m'ilə ri-i dan-ti dan-ti.

<sup>5</sup> Kɔɔtalə m'oo poy kadmɛɛ lə-i kí i 'adi 'Babe Jeju, bá m'oo poy ndigi kí i 'ndigi njékaa njay-je lay kin rəm tɔ.

<sup>6</sup> Beba m'pa ta kɪ Lubə kadi kində kí 'ində rɔ-i nati sə-ji kɪ takul kadmɛɛ lə-i kinlé ra kullə, adi dow-je 'gə kí maji-je lay kí j'isi j'rai lé, j'rai kɔɔtalə Kristi.

<sup>7</sup> Pilemɔ, ndigi kí i 'ndigi dow-je lé, adi-m rɔnəl nɔ, bá ra adi mɛɛ-m sol rəm tɔ. Ngonkɔ-m, kɪ takul-i lé, mɛɛ njékaa njay-je usi nangi pɔ-pɔ ya.

*Pol ra ndoo ta Pilemɔ-ti kɔɔtalə Onejim*

*1Kɔ 13:4-7*

---

† 1:2 1:2 Kol 4:17

8 Beba ma lé m'ow kè tógi, mee noji-ti kí tò kè takul Kristi, kadi né kí tuwə ra lé, m'un ndu do-ti m'adi-i ya,

9 ngà kdotalə ndigna læ-ji lé, né kí uwə mee-m na to kogri kí kadi m'ra-i, ma Pol kí m'to bugə, bəy bá kí ngosnè-ti kin m'a dangay-ti kdo ta kí sobi do Jeju Kristi.

10 †M'ra-i kogri kdotalə ngon-m Onejim kí m'oji-é key dangay-ti nè\*.

11 Onejim kí kete to dow kí kare kogi ro-i-ti lé, ngosnè kin, ɛ to dow kí à ra sə-i rəm, bá à ra sə-m rəm to.

12 Beba m'ulə siə gogi m'adi-i, ɛ toki daji ro-m ma ya bè†.

13 Loki m'a-né dangay-ti nè bəy kdotalə Poyta kí Maji lé, lé m'a ndigi kadi Onejim a ro-m-ti nè, kdo kadi ra kullə adi-m tó-i-ti,

14 ngà ma m'ndigi kinə-i gogi ra né madi kè do-m al. Kdo kadi kinə i 'ra sə-m maji rəmə, i 'ra sə-m kí læ njètógi-ti al, ngà kadi i 'ra sə-m kè mee ndigi læ-i ya tá.

15 Domaji ə to bè kadi Onejim inə-i dokaglo se, kdo kadi 'təl 'ingə-é gogi kadi isi nati sartagangi.

16 I 'a kingə-é gogi titi bə bè al ngá, ngà titi dow kí itə bə, titi ngonkɔ-ji kí j'ində-é dan kəm-ji-ti. Ma m'ində-é dan kəm-m-ti ya, ngà i rəmə, 'a kində-é dan kəm-i-ti tɔy-m bəy, kdotalə ɛ to ngonkɔ-i kdo to kí ɛ to dow madi-i kete bəy bá bone to ngonkɔ-i mee noji-ti læ 'Babe bəy.

---

† 1:10 1:10 Kol 4:9 \* 1:10 1:10 **Onejim** to ngon koji Pol kí məsi-ti al. Pol ba-é ngon-é kdo ɛ adi mee-é Jeju Kristi kè kəm rəbi kí ro Pol-ti. † 1:12 1:12 Plp 4:7-9

17 Kdɔtalə gə kɪ i 'gə kɪ m'to nam-i kinlé, uwə-é kɪ rɔ-i-ti titi-nə né kɪ to mə ya bè to.

18 Ngà kinə ndɔki Onejim lé, ra sə-i né kɪ maji al nɔɔ əse kurə lə-i bá tò dɔ-é-ti nɔɔ kàrè, inə dɔ-m mə-ti ngá.

19 Mə Pol, m'ndàngi ta kin kɪ ji-m mə ya m'panè: «Mə ya m'a kugə-i kurə liə.» Ngà kurə lə-m mə kɪ tò dɔ-i-ti kɪ to kurə kaji kɪ i 'aji kɪ rəbi kɪ rɔ-m-ti kinlé, m'ndigi kole mɛɛ-i dɔ-ti al ngá.

20 Oiyə ngonkɔ-m, 'ra sə-m maji kin kdɔtalə 'Babe; i 'ra adi mɛɛ-m usi nangi pɔ-pɔ ya mɛɛ ndigi-nə-ti lə-ji kɪ takul Kristi.

21 M'gə mɛɛ-m-ti maji kɪ mbete kɪ m'ndàngi madi-i kinlé, i 'a ra-né kullə rəm, bá m'gə kɪ i 'a ra kadi al dɔ dɔji-é lə-m kɪ m'dɔji-i kin bəy rəm to.

22 M'təl mə dɔ-ti m'dɔji-i kadi 'ra mɛɛ kəy tò kàrè 'adi-m, kdɔtalə m'ində mɛɛ-m dɔ kinə-ti kɪ d'a kinə-m taá kadi-si kɪ takul ta-je kɪ isi 'pai kɪ Lubə lé.

### *Lapiya-je kɪ ra*

23 †Eparasi kɪ to madi dangay lə-m kdɔ ta kɪ sobi dɔ Jeju Kristi, ra-i lapiya,

24 †bá Marki-je, kɪ Aristarki-je, kɪ Demasi-je, kɪ Luki-je kɪ 'to madkullə-je lə-m kàrè 'ra-i lapiya to.

25 Kadi ramaji lə 'Babe lə-ji Jeju Kristi này sə-si.

---

† **1:23 1:23** Kol 1:7; 4:12 † **1:24 1:24 a** Knj 12:12,25; 13:13; 15:37-39; Kol 4:10; **b** Knj 19:29; 27:2; Kol 4:10; **d** Kol 4:14; 2Ti 4:10; **e** Kol 4:14; 2Ti 4:11

**Mango**  
**Mango: Ta lə Lubə Kunmindi kí Sigi (New**  
**Testament)**

copyright © 2018 Wycliffe Bible Translators, Inc.

Language: Mango

Contributor: Wycliffe Bible Translators, Inc.

All rights reserved.

2025-05-13

---

PDF generated using Haiola and XeLaTeX on 13 May 2025 from source  
files dated 13 May 2025

96bdbd07-24d6-556c-9e7c-7269c72880cd